

Kua fakaohooho e mitaki lahi

Ko e pūhala kamatomata nai ke fakaohooho e tau fānau aoga oti ke moua katoatoa e tau malolō mo e tau lotomatala ha lautolu.

Maeke e tau fānau aoga he tau magaaho nei ke moua e tau fakamailoga NCEA hā ko e **tū tonu** po ke mahomo atu e **mitaki**. Kaeke ke moua e lautolu 50 po ke molea atu e tau ola mai he 80 ola ke moua aki e fafatiaga mahomo atu e mitaki, to moua e lautolu e tau fakamailoga NCEA kua fakamooli ke he mahomo atu e **mitaki**. Kaeke ke moua e lautolu 50 e ola po ke molea atu he fafatiaga **tū tonu** po ke fiofio e tau ola tū tonu mo e tau ola mahomo atu e mitaki, to moua e lautolu e tau fakamailoga NCEA kua fakamooli ke he **tū tonu**.

Ko e falu a palepale

Pūhala ke he Aoga Pulotu

Moua e pūhala ke he aoga pulotu kaeke kua moua e tau ola kua fakatokatoka mai he tau fakamailoga he National Qualifications Framework fafatiaga 3, lalafi ki ai e falu malolō mai he tau tala mo e tau nūmela. Fakamooli he tau malolō nei e tau fānau kua oti mai he tau aoga ke oatu ke he tau aoga pulotu i Niu Silani.

Tau Fakamailoga Sikolasipi

Kamatamata mo e fifili kehe mai he aoga e tau fakamailoga nei ke lagomatai aki e tau fānau aoga kua makaukau lahi. Lagomatai he tau fakamailoga nei e tau fānau ne kua kautū, ke he tau tupe ke todogi aki e tau fakaakoaga aoga pulotu. Ko e taha vala nī he tau fānau aoga ka moua e tau sikolasipi mai he tau gahua aoga takitaha.

Moua fēfē e tau ola he tau fānau aoga

Maeke e tau fānau ke ahiahi atu ke he kupega hila he NZQA (Tagata fakaako, ke kitia e tau ola he kupega hila NZQA www.nzqa.govt.nz) ke kitia e tau fafatiaga fakaako mo e tau fafatiaga i fafo he aoga ne taute e lautolu mo e tau ola fafati i loto he aoga ne fakafano atu he aoga ha lautolu ke he NZQA.

Ko e mahina a lanuali, ka moua ai e lautolu e tau ola ha lautolu ma e tau katoa, mai he tau gahua ne kamatomata i loto he aoga mo e tau gahua ne kamatomata kehe mai he aoga. Fakalataha foki mo e tau ola nei e tau fafatiaga ne kua moua mo e nā kai moua.

To fakafano atu lā e tau fakamailoga sikolasipi (scholarships) he mahina a Fepuali.

Ma e tau fānau ka oti mai mo e tau aoga, ko e Katoatoaga he tau Ola he Aoga (School Results Summary) ka hā hā i ai e tau fafatiaga oti kua lali a lautolu ki ai mo e tau malolō, fakalataha foki mo e tau ola ne nā kai kautū.

Ko e pepa, Fakamauaga he tau Malolō (Record of Achievement) ne fakahigoa fakamua, ko e Fakamauaga he tau Fakaakoaga (Record of Learning) he tama, ne fakamau ai e tau fafatiaga oti ne kua moua e ia he haana a tau magaaho mo e aoga. Maeke e tama ke fakatūmau ke lafi atu e tau malolō haana ke he pepa nei ka fano kehe a ia mai he aoga, mo e fakakatoatoa e tau fakamailoga lotomatala foou po ke taute e tau gahua fakaitaitai he tau gahuaaga. Ko e tau fānau aoga he TAU 13, to fakafano atu ki a lautolu e taha lagaki he ha lautolu a Fakamauaga he tau Malolō he mahina a Apelila fakalataha mo e ha fakamailoga lotomatala ne moua he tau kua mole atu.

Tūaga mo e tau kautū lalolagi

Ko e tau NCEA, ko e tau fakamailoga he kautū a Niu Silani ma e tau fānau kua oti mai he tau aoga. Kua tuku fakalataha foki e tau fakamailoga nei ke he tau lolomiaga ha Peritānia, *International Qualifications for Entry into Higher Education*, ne fā e fakaakoaga he tau motu he lalolagi ma e tau fifiliaga ke he tau aoga pulotu he lalolagi. Ko e Fafatiaga 3 he NCEA ne kua tatai mo e tau Fafatiaga A ha Igilani mo e Higher School Certificate ha Osetalia.

Ma e falu a fakailoaga foki, matutaki atu ke he:

New Zealand Qualifications Authority
(NZQA)

P 0800 NCEAHELP po ke 0800 623 243

E helpdesk@nzqa.govt.nz

www.nzqa.govt.nz/ncea

Tohia 2008

JULY 2008 NIUEAN



New Zealand Government

Tau Fakamailoga Lotomatala
he Aoga Tokoluga



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

Tau fakamailoga lotomatala he aoga tokoluga

Ko e kakano he, Tau fakamailoga lotomatala he tau aoga tokoluga a Niu Silani he magaaho nei:

- kua fakaohooho e tau fānau aoga oti ke moua katoatoa e tau malolō fakaako ha lautolu mo e mailoga e tau malolō ia
- maeke he tau aoga ke fakahagahaga mitaki e tau fakaakoaga mo e tau pūhala kamamata ha lautolu ke he tau fakamailoga lotomatala he kautū
- ka toka e tau aoga, kua tonuhia e tau fānau aoga oti ke moua e tau fakamauaga tohi he tau fakamailoga lotomatala ha lautolu.

Ko e fakaholoaga he tau fakamailoga lotomatala

Ko e matapatu fakamailoga lotomatala he aoga tokoluga a Niu Silani ko e tau **National Certificates of Educational Achievement (NCEAs)**.

Ne kamata fakagahua e tau NCEA Fafatiaga 1, 2 mo e 3 he tau 2002 ke huhui aki e School Certificate, Sixth Form Certificate, mo e Bursary. Fā mahani e tau fānau ke taute e tau fakaakoaga nai mai he tau tau 11 ke he 13.

Ko e tau NCEA, ko e tau fakamailoga lotomatala fakavē ke he tau malolō. Ko e kakano he talahauaga nei, kua kamamata e tau fānau aoga ke he tau gahua aoga ne kua iloa mo e maeke i a lautolu ke taute.

Kua iloa mo e talia he tau pule gahua mo e tau aoga pulotu i Niu Silani mo e tau motu kehe e tau NCEA nei, ko e tau fakamailoga lotomatala he aoga tokoluga he kautū.

Ko e tau NCEA tolu nei, ko e vala he **National Qualifications Framework (NQF)**, ne fakamaopoopo molea e 1000 fakamailoga lotomatala he kautū.

Tokologa lahi e tau aoga kua fakaako mo e fakaatā e tau vahega **National Certificate** kehekehe. Maeke he tau fānau aoga ke fakaako ke he taha po ke loga atu e tau National Certificate he tau magaaho kua tatai nī mo e tau fakaakoaga ke he tau NCEA ha lautolu. Maeke e tau ola mai he taha kamamata ke fakaakoaga he falu fakamailoga lotomatala ti ko e tau ola oti ka lalafi atu ke he tau NCEA.

Maeke ke moua e National Certificate mai he tau gahua aoga kehekehe tuga e, fakagahua he tau koloa, gahua fonua, fenoga evaeva, tālaga posi, folafolaaga he tau fakailoaaga mo e leveki tama.

Ma e tau fānau ne iloa e tau gahua ke taute ka oti e tau fakaakoaga, ko e tau fakaakoaga hagai ke he National Certificate, ko e kamataaga hako lahi a ia ke taute.

Tau fakaakoaga fakatagata, mukamuka ke fakaakoaga

Kua nonofo loa tuai e tau fānau he tau aoga he tau magaaho nei, mo e fakaako he tau pūhala kehekehe, putoia ai foki e tau fakaakoaga ne taute kehe mai he aoga. Maeke foki e tau aoga ke taute e tau gahua aoga kūkū, tuku fakalataha e falu fafatiaga kehekehe, ti matutaki foki ke he tau gahuaaga mo e tau pisinisi kehekehe ke taute e tau fakaholoaga ke he loga he tau gahua aoga kehekehe.


Ko e pehē a ia, maeke e tau aoga ke taute e tau fakaholoaga ke lata mo e tau fānau takitaha ti kua tuku atu ke he tau fānau aoga oti e tau pūhala ke moua e kautū mai he tau aoga.

Gahuhua fēfē e NCEA

Kamatamata aki e **tau fatifatiaga he kautū (national standards)** e tau fakaakoaga oti he tama aoga, ke maeke ke kitia e tau makaukau po ke tau lotomatala. Ua lā e faga fatifatiaga - ko e fatifatiaga ke he malolō lotomatala (achievement standards) mo e fatifatiaga ke he tau gahua aoga takitaha (unit standards).

Kamatamata he tau faiaoga e tau fatifatiaga ke he tau gahua aoga takitaha i loto he aoga po ke he gahuaaga (internal assessment). Ka katoatoa e tau malolō he tama, moua e fatifatiaga (mo e moua e **kautū** (achieved) he tau ola ha lautolu), po ke, ka nākai katoatoa e tau malolō ke he tau fatifatiaga kua fakatoka mo e moua e fatifatiaga **nākai kautū** (not achieved).

Taute he tau faiaoga e kamamata he fatifatiaga ke he malolō (kamamata i loto he tau aoga) po ke taute aki e tau kamamata he kautū ke fakahako he NZQA (tau kamamata i fafo he aoga) he fakaoitiaga he tau. Fā mahani ke fakaakoaga ua e tau pūhala ne kamamata i loto he aoga mo e kamamata i fafo he aoga. Ma e tau fatifatiaga ke he malolō, to moua he tau fānau aoga e fafatiaga **nākai kautū** kaeke kua nākai katoatoa e tau malolō ha lautolu, ka e maeke a lautolu ke moua e fafatiaga **kautū** ma e tau malolō kua lata, **tū tonu** (merit) ma e tau malolō mitaki, po ke **mitaki lahi** (excellence) ma e tau malolō kua mahomo atu e mitaki, fakatatai nī ke he tau malolō mo e katoatoa he tau kamamata ha lautolu.



Ko e mahaniaga, ko e taha gahua aoga mahani mau (tuga e English) kua vehevehe ke he lima ke hoko ke he fitu e fatifatiaga, fakatatai ke he tau mataulu kehekehe po ke tau makaukau. Kua fakamatutaki atu e tau fatifatiaga nei ke he tau gahua aoga ne hā hā i ai he tohi Tau Gahua Aoga a Niu Silani (New Zealand Curriculum).

Ko e tau magaaho oti ka moua ai he tama e fatifatiaga, moua foki e tau ola ma e fakamailoga. Ko e fakatai, kaeke ke moua he tama 80 e ola he fafatiaga 1 (fakalataha ki ai 8 e ola he vagahau mo e 8 he nūmela) kua hokotia tuai a ia ke moua e fakamailoga NCEA fafatiaga 1.